



Broj: 06-1-07-1-1446-1/20  
Sarajevo, 11.11.2020. godine

## Izborna komisija osnovne izborne jedinice - svi

**PREDMET: Provedba izbornih radnji za Lokalne izbore 2020. godine -podsjetnik, dostavlja se**

U vezi s pripremom i provedbom Lokalnih izbora 2020. godine, dostavljamo podsjetnik po pitanju pojedinih ključnih izbornih aktivnosti, kako slijedi:

1. Izborna komisija je dužna da na adekvatan način obavještava birače da su obavezni da se pridržavaju svih propisanih epidemioloških mjera kao što su socijalna distanca i nošenje maski.
2. Potrebno je da izborna komisija upozna birače sa činjenicom da je u funkciji SMS centar 091 12 12 12 putem kojeg birači mogu provjeriti biračko mjesto na kojem glasaju.
3. Centralna izborna komisija Bosne i Hercegovine će prema planu dostave izbornog materijala izornoj komisiji dostaviti osjetljivi izborni materijal: glasačke listiće, izvode iz Centralnog biračkog spiska i obrasce za izborne rezultate. Također, sa navedenim izbornim materijalom izornoj komisiji će biti dostavljen i određeni broj primjeraka Priručnika za rad biračkih odbora, ukoliko izborna komisija nije preuzela iste u skladištu Centralne izborne komisije BiH.
4. Izborna komisija je obavezna, po prijemu izvoda iz Centralnog biračkog spiska, da u rubrici za potpis birača koji će glasati putem mobilnog tima upiše „MOBILNI TIM“. Nadalje, kod birača koji je u samoizolaciji ili je pozitivan na virus COVID-19 a prijavio se za glasanje putem mobilnog tima i koji ima rješenje o samoizolaciji ili medicinski nalaz/dokument izdat od zvaničnog organa kojim se utvrđuje da je pozitivan na COVID-19, izborna komisija će na izvodu iz Centralnog biračkog spiska crvenom olovkom precrtati ime birača i u rubrici za potpis napisati „COVID-19“. Nakon toga će izborna komisija u poseban izvod iz Centralnog biračkog spiska upisati ime i prezime birača, spol i JMB, a koji će glasati putem posebnog mobilnog tima. Nakon upisa imena svih prijavljenih birača u poseban izvod, isti je potrebno pripremiti u skladu sa članom 24c stav (5) Pravilnika o načinu provođenja izbora u Bosni i Hercegovini.

Izornoj komisiji je elektronskim putem dostavljen poseban izvod u PDF formatu i izgled koverta u PDF formatu, koju izborna komisija može printati i koristiti za potrebe posebnog mobilnog tima. **Izborna komisija je obavezna da Centralnoj izornoj komisiji BiH, najkasnije do nedjelje 15.11.2020. godine u 09.00 sati dostavi informaciju o broju birača koji će glasati putem posebnog mobilnog tima.**

5. Nadalje, potrebno je da izborna komisija upozori predsjednike mobilnih timova, kao i posebnih mobilnih timova, da vode računa o propisanim epidemiološkim mjerama prilikom dolaska na adrese birača kao i ulaska u domove birača, imajući u vidu trenutnu situaciju vezanu za pandemiju izazvanu virusom COVID-19.
6. Na biračkom mjestu za glasanje nepotvrđenim-kovetiranim glasačkim listićima glasat će birači koji su upisani za glasanje putem pošte, a na dan izbora se zateknu u BiH i birači koji su dostavili žalbe na odluke o upisu/odbijanju upisa birača u izvod iz Centralnog biračkog spiska za glasanje izvan BiH, a čije ime je Centralna izborna komisija BiH evidentirala na zaključenim izvodima iz Centralnog biračkog spiska. Centralna izborna komisija BiH će biračkom odboru na biračkom mjestu za glasanje nepotvrđenim-kovetiranim glasačkim listićima dostaviti spisak birača koji su se registrovali za glasanje putem pošte za tu osnovnu izbornu jedinicu, te lični podaci birača na navedenom spisku omogućuju biraču pravo glasa na navedenom biračkom mjestu.
7. Centralna izborna komisija Bosne i Hercegovine je na izvodu iz Centralnog biračkog spiska označila određeni broj birača, koji su nakon postupanja po blagovremenim i osnovanim žalbama vraćeni na glasanje putem pošte, na način da je ime i prezime birača precrtano, a u polju za potpis upisan je broj odluke i ovjera pečatom Centralne izborne komisije Bosne i Hercegovine. Potrebno je da izborna komisija obavijesti predsjednike biračkih odbora da u Obrazac brojnog stanja za redovno biračko mjesto u redu 1 upisuju broj imena na izvodu iz Centralnog biračkog spiska umanjen za broj birača koji su precrtani i u rubrici za potpis piše COVID, kao i za broj birača koje je Centralna izborna komisija BiH označila i kod kojih je u rubrici za potpis upisan broj odluke i ovjeren pečatom Centralne izborne komisije BiH.
8. Napominjemo da je izborna komisija obavezna da u aplikaciji JIIS „Unos izbornih rezultata“ unese konačan odziv nakon zatvaranja biračkog mjesta za glasanje nepotvrđenim glasačkim listićima, a po prijemu izvoda iz Centralnog biračkog spiska, navedeni izvod skenira i dostavi u Glavni centar za brojanje na e-mail adrese: [uprava.gcb@izbori.ba](mailto:uprava.gcb@izbori.ba).
9. Centralna izborna komisija Bosne i Hercegovine će registratore sa originalnim obrascima sa redovnih biračkih mjesta i providne plastične manje vreće iz člana 75. stav (6) i (10) Pravilnika o provođenju izbora u Bosni i Hercegovini, preuzeti od izborne komisije dan nakon održavanja izbora prilikom preuzimanja materijala koji će se brojati u Glavnom centru za brojanje, odnosno sa biračkih mjesta za glasanje u odsustvu, glasanje nepotvrđenim-kovetiranim glasačkim listićima i glasanje putem mobilnih timova. Neophodno je da izborne komisije organizuju pripremu i pakovanje registratora, a kako bi isti bili spremni za preuzimanje od strane osoblja Centralne izborne komisije BiH u utvrđenom terminu.
10. Izborna komisija je obavezna da Centralnu izbornu komisiju Bosne i Hercegovine odmah obavijesti o svim nedostacima ili viškovima u dostavljenom izbornom materijalu.
11. Centralna izborna komisija Bosne i Hercegovine će na dan izbora 15.11.2020. godine uspostaviti centar za prijem poziva (Call centar) sa brojem telefona 033/251-324, putem

kojeg izborna komisija treba Centralnoj izbornoj komisiji BiH dostavljati sve informacije, odnosno putem kojeg se mogu dostaviti sva pitanja vezana za provedbu Lokalnih izbora 2020. godine.

Također, u vezi s pitanjima koja se odnose na postupanje po prigovorima i žalbama kontakt-telefon je 033/251-300 (centrala-putem koje se može dobiti Pravni odsjek), a sve akte koji se upućuju Centralnoj izbornoj komisiji BiH potrebno je dostavljati na faks broj: 033/251-329. Napominjemo da ste sve prigovore i žalbe koje zaprimite dužni evidentirati u aplikaciji za vođenje evidencije o prigovorima i žalbama.

12. Centralna izborna komisija Bosne i Hercegovine je, za potrebe provjere biračkog mjesta na kojem birači glasaju, izradila i dostavila svim izbornim komisijama aplikaciju putem koje se može provjeriti biračko mjesto birača. Aplikaciju je potrebno snimiti na računaru u centru za birački spisak, kao i na drugim dostupnim računarima koje obezbjeđuje izborna komisija (npr. u mjesnim zajednicima), za potrebe provjere birača na biračkim mjestima. Napominjemo da se putem navedene aplikacije mogu provjeriti samo birači koji su upisani u vašoj osnovnoj izbornoj jedinici, sa podacima zaključenog Centralnog biračkog spiska od 01.10.2020. godine.
13. Centralna izborna komisija Bosne i Hercegovine će na dan izbora 15.11.2020. godine od 15.00 do 18.00 sati, uspostaviti online konekciju sa izbornim komisijama putem platforme Zoom, u kojem periodu će se ostvariti direktna komunikacija članova Centralne izborne komisije Bosne i Hercegovine i članova izbornih komisija osnovnih izbornih jedinica.
14. Centralna izborna komisija Bosne i Hercegovine je, za potrebe dostavljanja zahtjeva za pravilno objedinjavanje izbornih rezultata od izbornih komisija, kreirala e-mail adresu [zzov@izbori.ba](mailto:zzov@izbori.ba) putem koje su izborne komisije dužne dostavljati predmetne zahtjeve.

### **Prilog: Instrukcija o postupanju izbornih komisija na izborni dan**

S poštovanjem,

Dostavljeno:  
- naslovu,  
- a/a.

